



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 75. Turcæ a Zigetho sæpius repulsi.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

Sæcul. XVI.
A.C. 1556.
perarent, eamque propugnaculis firma-
rent. Postea viginti novem præcipuis
ex interfectis Turcis capita fuere ab-
scissa, eaque ad hostium terrorem arci
illata, ac in muri pinnis erecta exhibe-
bantur.

§. LXXV.

Turcæ a Zigetho sæpius repulsi.

*Tuan. &
Cont. l. c.*

Altero die Bassa nupera clade parum
territus urbem ingentibus quatuor
belli tormentis quater, fossamque vi-
minibus implere suos milites jubet, ut
vallum e regione arcis excitare posset:
Verum huic operi sese pro viribus op-
ponebant obsessi, cruentumque ibidem,
ac pertinax certamen fuit initum, ubi
plusquam septingenti Turcæ desiderati
fuere: Itaque, cum armorum vis non
succederet, Halim Bassa in astu opem
quærebat; verum nec hac ratione fe-
licius Christianorum fortitudinem ex-
pugnare poterat, quamvis obsessos am-
plissimis pollicitationibus ad deditio-
nem hortaretur: incassum tamen erant om-
nia; quapropter die secunda Julii tor-
mentorum suggestus erigere, arcem-
que verberare incoepit, tantoque furore
per integros quinque dies tormenta ex-
plodere continuabat, ut obsessi prope
de salute desperarent, missoque Nuntio
a Ferdinando Rege suppeticas peterent:
Inte-

Interea vallum prope arcem erectum continua verberatione dejiciebant, atque eruptione facta ingentem illam lignorum struem, qua Turcæ fossam aperuerant, repentinis flammis combusserunt. Ab eo temporis articulo non nisi tormentorum, & scolpetorum ictibus res gerebatur usque ad vigesimam primam Julii diem, qua Halim Bassa, cum obsessorum pertinaciam nullam vi frangi cerneret, Babocensis obsidionis obtentu tormenta Quinqueecclesias versus noctu transferri jussit, ubi atrox sequebatur prælium, ac ferme extrema Turcarum clades, qua insuperhabita Bassa Zigethi obsidionem redintegrabat, quamvis illico a præsidiariis urbe erumpentibus repulsus fuerit.

Sæcul. XVI.
A.C. 1556.

§. LXXVI.

Turcæ obsidionem solvere coacti.

Evolutis aliquot diebus rursus impetu undique facto continuis octo horis pugnatum est, quin tamen obsessi ad dedendam, vel relinquendam urbem compelli possent, quocirca Halli Bassa omni spe potiundi oppidi abjecta die vigesima nona Julii fugienti similis præmissis Quinqueecclesias belli tormentis ab obsidione discessit, non sine lacrimis ubertim profusis, prout Historicorum nonnulli referunt. Porro Turcarum

Contin.
Chalc. l. 4.
n. 48. p. 629.